
Саховат ойида 4 нафар болажонларнинг суннат тўйлари ўтказиб берилди

Куни кеча "Кармак" маҳалла фуқаролар йиғинида ташаббускорлар ва саховатпеша ҳомийлар кўмагида эзгу ишларнинг давоми сифатида 4 нафар болажонларнинг суннат тўйлари ўтказиб берилди.

Тадбирда туман ҳокими бошчилигида туман фаоллари, тўй болаларнинг яқинлари, нуронийлар иштирок этдилар. Тантанали ўтказилган тўй тадбирида болалар ва уларнинг яқинларига эзгу тилаклар билдирилди. Шундан сўнг, саховатпеша ҳомийларнинг каттаю-кичик совғалари улашилди.

-Бугунги тўй нафақат мен ва ўғлим Бобуржонни, балки мен каби ижтимоий кўмакка муҳтож бўлган оналарни, уларнинг фарзандларини қувонтирди, - дейди Г. Аҳмедова. - Президентимизнинг юртпарвар, халқпарварлиги боис фарзандларимизнинг кўнгиллари ўксимай улғаймоқда. Келажакда фарзандим комил инсон бўлиб шу юрт равнақига ҳисса қўшиши учун муносиб тарбия бераман.

2023-04-25 11:59:21